



SKÖVDE

## Informacije za nove staratelje

Dobro došli u vrtić u općini Skövde. Bez obzira na to u koju školu će vaše dijete krenuti, u ovom pismu smo skupili informacije kako bismo povećali učešće staratelja u proces uškolovavanja, te da bismo pojasnili ona pravila i stavove koje imamo u vrtićima u općini Skövde.

**Uškolovavanje** – se zove onaj period kada dijete kreće u vrtić. Period uškolovavanja varira među vrtićima, ali obično traje jednu ili dvije sedmice. Uškolovavanje znači da dijete zajedno sa starateljem upoznaje vrtić, osoblje i drugu djecu. Tokom uškolovavanja vi kao staratelj dobijate uvid u to kako izgleda boravak vašeg djeteta u vrtiću i saznajete kako vrtić funkcionira i istovremeno imate mogućnost da nam ispričate o interesima, iskustvima i potrebama vašeg djeteta. Kao staratelj vi ćete učestvovati u uškolovavanju.

**Radno vrijeme** – Vrtići u općini Skövde su obično otvoreni od 06.30 do 18.30

**Planiranje rasporeda** – Važno je da je raspored koji ste predali za vremena vašeg djeteta tačan, te da vi dovodite i odvodite vaše dijete u dogovoreno vrijeme. Ukoliko se vaše radno vrijeme promijeni, i raspored djeteta se takođe mora promijeniti. Uvijek obavijestite osoblje o promjeni vremena u rasporedu. Raspored znači radno vrijeme / vrijeme za studiranje + vrijeme za putovanje

Predškolska djeca imaju pravo na boravak u vrtiću 15 sati sedmično prema utvrđenom rasporedu kada je staratelj na porodiljskom odsustvu za brata ili sestru ili kada je staratelj nezaposlen.

**Opći vrtić** – Od jeseni one godine kada dijete puni 3 godine, ono ima pravo na opći vrtić. Pod tim se misli da dijete ima pravo na besplatan vrtić 15 sati sedmično, što traži staratelj

**Dani za planiranje** – Četiri dana godišnje vrtić je zatvoren za planiranje i dodatnu obuku osoblja. Najmanje dva mjeseca ranije se obavještava kog dana će vrtić biti zatvoren.

**Pripajanje** – u periodu godišnjih odmora, ljeta i božića, vrtići međusobno sarađuju. To znači da onaj vrtić u koji vaše dijete ide, može da bude zatvoren i da vi morate da ostavljate vaše dijete u drugi vrtić tokom tog perioda. Osoblje koje dijete poznaje će tada takođe da bude u novom vrtiću.

**Odvođenje i dovođenje** – Kada odvodite i dovodite vaše dijete važno je da kontaktirate osoblje, tako da osoblje zna da ste došli i da možete da preuzmete te da se pozdravi. Uvijek obavijestite osoblje ako će neko drugi osim vas da odvede ili dovede vaše dijete. Osoblje ne smije da preda vaše dijete ukoliko vi kao staratelj niste to odobrili / obavijestili o tome.

**Bolest** – Kada se vaše dijete razboli, ono mora da ostane kod kuće. Uvijek telefonirajte i obavijestite vrtić kada je vaše dijete bolesno. Takođe telefonirajte dan prije nego što će se dijete vratiti u vrtić nakon bolesti. Važno je da je dijete zdravo kada ponovo dođe, kako bi dijete imalo snage za dan u vrtiću, ali i da bi se smanjio rizik od zaraze. Ako ima povišenu temperaturu, važno je da kod kuće ima jedan dan bez povišene temperature.

Ukoliko dijete ima stomačni virus / povraća / ima proliv, dijete mora da bude bez simptoma bar dva dana, 48 sati, prije nego što se vrati u vrtić. Zbog velikog rizika od zaraze, braća i sestre djece sa stomačnim virusom takođe trebaju da ostanu kući.

**Običan dan u vrtiću** – tačna vremena se razlikuju među vrtićima.

6:30 h Vrtić se otvara. Do doručka djeca mogu da se igraju, crtaju i dr.

8:00 h Doručak.

Između doručka i ručka djeci se nude različite aktivnosti kao što su igra, muzika, stvaralački rad. Prije podne dijelovi djelatnosti se obavljaju napolju. Djeci se nudi voće.

12:00 h Ručak.

Vezano za ručak nudi se mirniji period kada dijete može da spava ili sluša priču. Nakon odmora djeci se nude aktivnosti unutra ili napolju do užine.

15:00 h Užina, obično mlijeko i sendvič.

Nakon užine i do polaska kući djeci se nude aktivnosti unutra ili napolju.

18:30 h Vrtić se zatvara.

**Boravak napolju** – U vrtiću je dijete napolju svakog dana. To znači da vaše dijete mora da ima odjeću koja je prilagođena vremenu, kao što su odjeća za kišu, gumene čizme, tople jakne, zaštitne hlače ili šešir za sunce. Vašem djetetu je takođe potrebna **dodatna odjeća** (hlače, majica, čarape, donji veš) da se može presvući ako je odjeća postala mokra ili prljava.

**Odmor** – vezano za ručak nudi se neka vrsta odmora. Djeci u starijem dobu 3 – 5 godina se nudi miran period s čitanjem naglas. Mlađa djeca 1 – 3 godine se odmaraju / spavaju neko vrijeme na madracima unutra ili u kolicima napolju. U mnogim vrtićima djeca spavaju u vlastitim kolicima napolju tokom čitave godine.

**Hrana** – U vrtićima se djeci nudi doručak, ručak i užina. Obroci su besplatni. U slučaju potrebe za posebnom hranom, vrtić treba obavijestiti o tome.